

欽定四庫全書

普濟方卷三百二十七 明 周王朱橚 撰

婦人諸疾門

雜病 附論

夫三十六疾者十二癥九痛七害五傷三痼不通是也
何謂十二癥是所下之物一曰收如膏二曰如黑血三
曰如紫汁四曰如赤肉五曰如濃茄六曰如豆汁七曰
如葵羹八曰如凝血九曰如青如血似水十曰如米汁

欽定四庫全書

普濟方

十一曰如月浣乍前乍却十二曰經度不應期也何謂
九痛一曰陰中痛傷二曰陰中淋瀝痛三曰小便即痛
四曰寒冷痛五曰經來即腹中痛六曰氣滿痛七曰汁
陰中如有蟲嚙痛八曰脇下分痛九曰腰胯痛何謂七
害一曰竅孔痛不利二曰中寒熱痛三曰小腹急堅痛
四曰臟不仁五曰子門不端引背痛六曰月浣乍多乍
少七曰害吐何謂五傷一曰兩脇滿痛二曰心痛引脇
三曰氣結不通四曰邪思洩利五曰前後痼寒何謂三



痼一曰羸瘦不生肌膚二曰絕產乳三曰經水閉塞病
有異同具治之方 儒門事親書云一富家婦人傷思
慮過甚二年不寐無藥可療其夫求戴人治之戴人曰
兩手脈俱緩此脾受之也脾主思故也乃與其夫以怒
激之多取其財飲酒數日不處一法而去其人大怒汗
出是夜困眠如此者八九日不寤自是而食進脈得其
平矣又云項開令之妻病怒不欲食常好叫呼怒罵欲
殺左右惡言不輟衆醫皆處藥幾半載尚爾其夫命戴

欽定四庫全書

普濟方

人視之戴人曰此難以藥治乃使二娼各塗丹粉作伶
人狀其婦大笑次日又令作角觝又大笑其旁常以兩
個能食之婦誇其食美其婦亦索其食而為一嘗之不
數日怒減食增不藥而瘥後得一子夫醫貴有才何足
應變無窮又云李仲安宅四婦人病同日下涌劑置燠
室中火兩盆其一婦發昏衆人皆驚戴人笑曰內火見
外火故然昇之門外使飲冰雪水立醒時正雪晴戴人
曰熱見寒則醒衆由是皆服非老手諳練必不能鎮衆



庸人之驚也

方

熟乾地黄丸

出簡
易湯

治婦人風虛勞冷一切諸疾或風寒

邪氣留滯經絡氣血冷瀝不能溫潤肌膚或風寒客

於腹內則脾胃冷弱不能尅消水穀或腸虛受冷大

便時泄或子臟挾寒久不成胎月水不調乍多乍少

或月前月後淋瀝不止或閉斷不通結聚癥瘕面色

肌體減瘦飲食進退百節酸疼時發寒熱漸至羸損

欽定四庫全書

普濟方

帶漏五色陰中冷痛時發腫癢月水將行臍腹先痛

皮膚皺澁癢疹癢癢麻痺筋攣面生[][]髮黃脫落

目淚自出心忪目眩及產後勞損未復肌瘦寒熱顏

色枯黑飲食無味漸成蓐勞皆療之

熟乾地黄

二兩酒蒸晒
過百遍者

防風

去蘆

肉蓯蓉

酒浸
一宿

白茯苓

苓

去皮

禹餘糧

七遍燒紅醋淬
遍細研

五味子

揀淨

栝子仁

微炒
別研

芎藭

各一兩
半

澤蘭

去梗
二分

厚朴

去粗皮
薑汁炒

白芷

乾薑

炮山藥

細辛

去苗

卷栝

去根

當歸

去蘆酒
浸炒

藁本



去蘆 炒甘草 <small>炙各一兩六分</small> 人參 蜀椒 <small>去目及開口者微炒出汗</small> 牛膝	去苗酒 浸一宿 蛇床子 <small>揀淨</small> 續斷 <small>微炒</small> 蕪荑 <small>炒</small> 杜仲 <small>去粗皮</small> 炙黃各	三 分 赤石脂 <small>煨醋</small> 石膏 <small>煨研飛</small> 艾葉 <small>三</small> 石斛 <small>去根</small> 肉桂	去粗 皮 白朮 <small>各一兩一分</small> 紫石英 <small>煨醋淬研飛三兩</small>	右搗羅為末煉蜜和搗五七百杵丸如梧子大每服	三十丸溫酒或米飲下空心食前服常服養血補氣	和順營衛充實肌膚調勻月水長駐顏除風去冷令人有子溫平不熱無毒妊娠不宜服一方名大澤蘭	欽定四庫全書 普濟方	丸治婦人虛損及中風除病疝瘕除中冷痛頭風入	腦寒痺筋攣緩急血閉無子面上遊風去來目淚多出涕唾忽如醉或急邪冷逆胸中嘔不及泄痢淋瀝	或五臟六腑寒熱不調心下 <small>□</small> 急邪氣欬逆或漏下	赤白陰中腫痛胸脇肢滿或身體皮膚中澁如麻豆	苦癢痰癖結氣或四肢拘攣風行周身骨節疼痛目	眩無所見或上氣惡氣寒洒淅如瘧或喉鼻鼈風癩	癩疾或月水不通魂魄不寧飲食無味并產後內衄無所
---	--	---	--	----------------------	----------------------	--	---------------	----------------------	--	---------------------------------------	----------------------	----------------------	----------------------	------------------------



<p>血滯血崩血入四肢應血臟有患及諸腫風氣或傷</p>	<p>得無恙治墮胎中攻刺疼痛橫生逆產胞衣不下血癖</p>	<p>衝心中風口噤子死腹中擘開口灌藥須臾生下便</p>	<p>大聖散 <small>劑 出和</small> 治婦人血海虛冷久無子息及產後敗血</p>	<p>亦可</p>	<p>右為末糯米粉穀醋打糊為丸沈香湯下蘇湯鹽湯</p>	<p>片子薑黃 青皮 <small>去白各一兩</small> 川芎 <small>七錢半</small></p>	<p>靈脂 <small>酒煮</small> 白木 <small>煨各半兩</small> 牡丹皮 <small>淨去骨</small> 肉桂 <small>去粗皮</small> 赤芍藥</p>	<p>黃 <small>酒蒸各七錢半</small> 橘皮 <small>去白細紅者佳</small> 白芍藥 <small>各一兩半</small> 玄胡索 <small>炒</small> 五</p>	<p>乾取 <small>出焙</small> 當歸 <small>一兩</small> 蒲黃 <small>紙焙</small> 生地黄 <small>酒浸熟地</small></p>	<p>乾為末 寄奴 香附子 <small>淨</small> 敗薑 <small>各一兩半</small> 烏頭 <small>三合以上九味用米醋三升煮</small></p>	<p>三稜 <small>二兩</small> 莪朮 <small>片一兩切</small> 蒼朮 <small>泔浸去皮</small> 枳殼 <small>穰去</small> 大艾 <small>去根</small> 劉</p>	<p>濟陰丹</p>	<p>有鍾乳加三兩良</p>	<p>冬栢子仁加大麥蘖神麴龍骨阿膠黃連各一兩半</p>	<p>不治服之令人有子久赤白痢去訖地黃石膏麥門</p>
-----------------------------	------------------------------	-----------------------------	---	-----------	-----------------------------	---	---	--	---	--	---	------------	----------------	-----------------------------	-----------------------------



<p>寒吐逆效嗽寒熱往來遍身生瘡頭痛惡心經脈不 調赤白帶下乳生惡氣胎臟虛冷數曾墮胎崩中不 定因此成疾室女經脈不通並宜服之常服煖子宮 和血氣悅顏色退風冷消除萬病兼療丈夫五勞七 傷虛損等病</p>	<p>澤蘭葉 石膏 研各 卷栝 白茯苓 去 防風 蘆 去 厚</p> <p>朴 去粗皮 細辛 去 栝子仁 微 吳茱萸 湯浸七次 桔</p> <p>梗 各一 五味子 揀 人參 去 藁本 去 乾薑 炮 白芷</p>	<p>川椒 去目閉口者 白朮 去 黃耆 苗 川烏 皮 炮 丹參</p>	<p>各三 兩 燕萸 微炒 甘草 炙 芍藥 各一 當歸 兩三</p>	<p>分 白薇 碎炒 阿膠 各半兩 肉桂 一分 生乾地黃 半兩</p>	<p>右為細末每服二錢空心臨卧熱酒調下苦急疾有 患不拘時日三服効</p>	<p>金釵煎 出大全 良方 專治婦人諸疾產前後風虛痼冷手足</p>	<p>產後痰涎咳嗽桑白皮湯化下經脈不調或前或後 痺豆淋酒化下血風頭痛產後中風荊芥酒化下</p>
--	---	---	--	---	---	--	--



豆卷 <small>炮</small>	茴香 <small>炒</small>	枳殼 <small>去穢炒</small>	延胡索	白芷 <small>各一兩</small>	人
桂心	粉草	乾薑 <small>炮</small>	北細辛	牡丹皮	大
各二兩	降真香 <small>剉細</small>	熟地黄 <small>各四兩</small>	秦艽	貝母 <small>去心</small>	羌活
當歸	白芍藥	川芎	石斛 <small>酒炒</small>	香附子 <small>炒</small>	糯米
猪母白猪一切毒物	產後則逐去惡血不生諸疾用童便和酒調下常服	活血駐顏大煖血海升降陰陽滋養營衛或子宮久	冷多病少子急令服之奇効立致忌生冷油膩魚腥	猪母白猪一切毒物	
欽定四庫全書					
普濟方					
或少許和酒半盞化下產前服之則安胎臨產亦易產					
咳嗽溢汗地黄烏梅煎湯化下產後敗血浮腫薑汁					
和酒化下產後勞倦傷敗氣血如瘧寒熱遍身疼痛					
化下子死腹中胎衣不下用朴硝三錢重研細童便					
妨悶漏胎下血膠艾煎湯化下臨產艱難乳香研酒					
下側栢燒灰調酒下妊娠將理失宜或因驚動痛極					
通產後血喘蘇木人參煎湯化下血崩不止赤白帶					
或多或少血氣攻刺腰脇重痛温酒化下經脉不					



<p>參 木香 石膏 煨 沈香 黃芩 各半 川椒 分三 交</p> <p>加 修製八兩交加即用生地黃四兩絞汁留滓以 生炒乾生薑汁拌生 地黃滓炒乾為末用</p> <p>右為細末煉蜜為丸每兩作七丸依前服餌常服溫 酒化下</p>	<p>荆芥散 治血風諸般疾產後並宜服諸疾除去</p> <p>荆芥 雀腦芎 各三 當歸 人參 各半 桂心 牡</p>	<p>丹皮 羌活 防風 桔梗 大腹皮 甘草</p>	<p>欽定四庫全書 普濟方</p>	<p>蒲黃 白茯苓 枳殼 厚朴 半夏 杏仁</p>	<p>欸冬花 各三 附子 炮 乾地黄 鱉甲 白芍藥</p>	<p>北柴胡 黃芪 各一 乾薑 木香 各半 沈香 分一</p>	<p>右為細末每服二錢薑三片棗一箇水一盞煎至七 分溫服</p>	<p>南嶽魏夫人濟陰丹 出三 治婦人血氣久冷無子及數</p>	<p>經墮胎皆因衝任之脈虛損胞內宿挾疾病經水不 時暴下不止月內再行或前或後或崩中漏下三十</p>
--	---	---------------------------	-------------------	---------------------------	-------------------------------	---------------------------------	--	--------------------------------	---



子 皮 <small>炮去</small> 臍木香 <small>炮各</small> 二兩熟乾地黃 <small>洗酒浸</small> 川芎 防風	晚蠶沙 <small>炒</small> 鯉魚鱗 <small>燒為末</small> 當歸 <small>去蘆</small> 石膏 <small>煨研</small> 澤蘭 <small>去根</small> 附	妙應丹 一名廷齡丹 治婦人衆病無所不治	三兩	送下淡醋湯調亦可空心食前服一本山藥川椒各	右為細末煉蜜丸每兩作六丸每服一丸細嚼溫酒	升炒一	洗酒 蒸焙 香附子 <small>炒各</small> 四兩蒼朮 <small>米泔浸</small> 去皮 大豆卷 <small>炒各</small> 半升糯米	欽定四庫全書 普濟方	兩各半 川椒 <small>去目閉口</small> 炒出汗 山藥 <small>各三</small> 兩澤蘭葉 熟地黃	兩 當歸 桂心 乾薑 細辛 牡丹皮 <small>去心</small> 川芎	藁本 秦艽 甘草 人參 桔梗 <small>炒</small> 石斛 <small>酒浸</small> 各二	桃仁 <small>去皮尖</small> 仁 <small>麩炒</small> 木香 <small>炮</small> 茯苓 京墨 <small>燒各</small> 一兩蠶布 <small>燒</small>	諸疾	六疾積聚癥瘕臍下冷痛小便白濁以上疾證皆令 孕育不成以致絕嗣此藥治產後百病若能常服除 宿血生新血令人有孕亦生子充實亦治男子亡血
--	---	---------------------------	----	----------------------	----------------------	-----	---	---------------	---	--	---	--	----	--



<p>蘆<small>去</small>蕪菱<small>炒</small> 馬牙硝<small>炒</small> 人參 黃耆 川椒<small>微炒</small> 栝子</p> <p>仁<small>微炒</small> 別研 蟬蛻<small>去足</small> 洗焙 白薇 檳榔<small>不見火</small> 厚朴<small>去粗皮</small></p> <p>製<small>各半</small> 藁本<small>去苗</small> 白薑<small>炮</small> 甘草<small>炙赤各三兩</small> 紅花<small>炒</small> 吳茱萸<small>湯浸</small></p>	<p>右為末煉蜜搜和杵數千下丸如彈子大每服一九</p>	<p>血瘦塊病綿灰酒下 催生溫酒嚼細下 血勞血</p>	<p>虛桔梗酒下 血崩棕櫚灰酒下 血氣痛炒白薑</p>	<p>酒下 血風荆芥酒下 血暈悶絕胎死腹中胞衣</p>	<p>欽定四庫全書 普濟方</p>	<p>不下並用生地黄汁童便酒各一盞煎二服下 常</p>	<p>腹痛醋湯溫酒化下並空心食服</p>	<p>地黄粥方 治婦人血氣不調</p>	<p>生地黄<small>二合</small> 粟米<small>一合</small> 粳米<small>一合</small> 鹽花<small>少許</small> 訶梨勒<small>炮去核為</small></p>	<p>右以水三升先煮二米將熟次入訶梨勒末地黄汁</p>	<p>鹽花攪勻煮令稀稠得所分二服</p>	<p>赴痛丸<small>出豈明論方</small> 治一切走注疼痛婦人經脈住滯水腫</p>
--	-----------------------------	-----------------------------	-----------------------------	-----------------------------	-------------------	-----------------------------	----------------------	---------------------	--	-----------------------------	----------------------	--



<p>腹脹</p>	<p>甘遂 大戟 芫花 黃牽牛 <small>各等分</small></p>	<p>右為末以蕎麪同末和作餅子切為棊子煮熟服之 得利為度每服一錢加減相虛實</p>	<p>烏雞煎丸 <small>一名大烏雞丸</small> 出和劑方 治婦人胎前產後諸般疾患並</p>	<p>皆治之</p>	<p>烏雄雞 <small>一箇</small> 烏藥 石床 牡丹皮 人參 <small>去蘆</small> 白朮</p>	<p>黃耆 <small>各一兩</small> 蒼朮 <small>米泔浸切</small> 海桐皮 <small>二兩</small> 肉桂 <small>去粗皮</small> 附</p>	<p>欽定四庫全書 普濟方</p>	<p>子 <small>炮去皮臍</small> 白芍藥 蓬莪朮 川烏 <small>炮</small> 熟乾地黄 <small>洗焙</small></p>	<p>肉豆蔻 草菓 <small>各半兩</small> 紅花 陳皮 <small>各二兩</small> 延胡索</p>	<p>木香 琥珀</p>	<p>右細剉用烏雄雞一隻湯搯去毛及腸肚將上件藥</p>	<p>安放雞肚中用新甕餅好酒一斗同煮令乾去雞骨</p>	<p>以油單盛焙乾為末煉蜜為丸如梧桐子大每服三</p>	<p>十九胎前產後傷寒蜜糖酒下 胎前氣悶壯熱炒</p>	<p>薑酒下 白帶赤帶下生薑地黃酒下 產後敗血</p>
-----------	--	--	---	------------	--	---	-------------------	---	---	--------------	-----------------------------	-----------------------------	-----------------------------	-----------------------------	-----------------------------



注心童子小便炒薑酒吞下 產後血塊瘕築心腹	疼痛玄胡索酒下 胎前嘔逆薑湯下 催生炒蜀	葵子酒下 安胎鹽酒下 室女經脈當通不通四	肢疼痛煎紅花酒下 血氣攻刺心腹疼痛煎當歸	酒下 血暈棕櫚燒灰酒調吞下 血邪研硃砂麝	香酒下 血悶煎烏梅湯研硃砂下 子宮久冷温	酒或棗湯下空腹日一服 血風勞人參酒吞下	小腹疼痛炒茴香鹽酒吞下 血散四肢遍身虛浮	欽定四庫全書 普濟方	黃腫赤小豆酒下 常服温酒醋湯任下空心食前	服	白堊 龍骨 芍藥 <small>各十</small> 黃連 當歸 茯苓	黃芩 瞿麥 白薇 石韋 甘草 牡蠣 細	辛 附子 禹餘糧 藁本 白石脂 人參	烏賊骨 甘皮 大黃 <small>已上各半兩</small>	右為末蜜和丸如梧子大空腹飲服十九日再不知	加至二十日至一月百病除若十二癥倍牡蠣禹餘
----------------------	----------------------	----------------------	----------------------	----------------------	----------------------	---------------------	----------------------	---------------	----------------------	---	-------------------------------------	---------------------	--------------------	--------------------------------	----------------------	----------------------



<p>麵<small>去皮尖</small>炒黃 白茯苓<small>皮去</small> 藁本<small>苗去</small> 人參 卷栢<small>根去</small> 白芷</p>	<p>辛<small>苗去</small>當歸<small>炒去蘆</small> 車前子 芎藭<small>兩各半</small> 遠志<small>心去</small> 桃仁</p>	<p>炒<small>去目及閉口者</small>各一兩 白薇<small>去苗</small>一兩 蛇床子<small>炒</small> 乾薑<small>炮</small> 細</p>	<p>覆盆子<small>去根</small> 菖蒲<small>微炒各三分</small> 白龍骨 熟地黄 川椒</p>	<p>邪內乘或月水當行失於調攝傷動胞絡陰陽不和 上焦虛陽壅燥下臟邪冷結伏致使胎孕不成冷極 傷敗月水不勻飲食減少夜多盜汗面黧齒搖髮 落腳膝疼痛舉動少力並宜服之</p>	<p>欽定四庫全書 普濟方</p>	<p>露厠太早或久坐濕地或冷風從下入血臟既虛或 帶漏五色腰腹疼重面黃肌瘦或因產乳不能將護 及斷續不產此因上熱下冷百病滋生或月水崩下 小白薇丸<small>劑出和方</small>治女人衝任虛損子臟受寒久無子息</p>	<p>石巴戟天各半兩合藥時隨病增減之</p>	<p>五傷倍大黃石韋瞿麥若三痼倍人參加赤石脂礬</p>	<p>歸若七害倍細辛藁本甘皮加川椒茱萸各一兩若</p>	<p>糧烏賊骨白石脂龍骨若凡痛倍黃連白欵甘草當</p>
--	---	---	---	---	--	---	------------------------	-----------------------------	-----------------------------	-----------------------------



<p>肉桂 <small>去粗皮</small> 各三分 麥門冬 <small>去心焙</small> 一兩半</p>	<p>右為細末煉蜜和丸如梧桐子大每服三十九丸温酒或米飲下空心食前常服壯筋骨益氣煖下臟除風冷令有子</p>	<p>白堊丹 <small>出和劑方</small> 治婦人三十六病崩中漏下身瘦手足熱惡風怯寒咳逆煩滿抑急短氣心脇腰腹重墜與子臟相引痛漏下五色心常恐懼遇恚怒憂勞即發皆是內傷所致並皆治之</p>	<p>欽定四庫全書 <small>普濟方</small></p>	<p>牡蠣 <small>煨研</small> 白堊 細辛 <small>去苗</small> 禹餘糧 <small>煨醋淬凡遍研</small> 烏賊魚骨</p>	<p><small>燒灰</small> 白石脂 <small>煨</small> 龍骨 <small>煨研各一兩半</small> 瞿麥穗 附子 <small>炮去臍</small> 芍</p>	<p>藥 石韋 白斂 黃連 <small>去毛</small> 茯苓 <small>去皮</small> 肉桂 <small>去皮</small> 白芷</p>	<p>當歸 <small>去苗</small> 乾薑 <small>炮</small> 人參 甘草 <small>炙各一兩半</small> 川椒 <small>去目及閉</small></p>	<p><small>口者炒出汗半兩</small> 右為末煉蜜丸如梧子大每服三十九丸至五十九丸空心温酒下又一方無人參</p>	<p>琥珀澤蘭煎 <small>一名調經琥珀丸出和劑方</small> 治婦人三十八種血氣八</p>
---	--	--	---------------------------------------	--	--	--	---	---	--



風五痺七疰八瘕心腹刺痛中風癱瘓手足痠疼乳	中結瘕妊娠胎動死胎下出產衣不下敗血湊心頭	旋眼花血症四肢渾身浮腫衝任久疼絕產無嗣早	晚服食能令有子經脈不調赤白帶下惡心嘔逆身	體瘦倦懷胎八月一日一服胎滑易產	紫巴戟 <small>去心糯米炒</small> 茴香 牡丹皮 <small>去心</small> 劉寄奴草 <small>去根</small> 五	味子 <small>去梗</small> 白芷 五加皮 <small>去心</small> 金釵石斛 <small>去根剉</small> 川當	歸 <small>酒浸一宿</small> 川芎 赤芍藥 澤蘭葉 <small>去根</small> 人參 <small>去蘆</small> 白芍	藥 附子 <small>炮去皮臍</small> 生乾地黄 <small>法去蘆</small> 艾葉 <small>酒炒糯米糊調成餅焙乾</small>	<small>為末</small> 熟乾地黄 <small>法去土</small> 白朮 <small>各一兩</small>	右為細末煉蜜丸如彈子大每服一丸溫酒磨下漏	胎刺痛煮糯米飲下寒熱往來四肢煩疼煎青蒿酒	下婦人室女經血不通煎紅花酒下血暈不省人事	童子便和煖酒下催生雞子清和酒下血氣血塊攻	刺心腹燒秤鎚淬酒下傷寒及中風口禁煎麻黃湯	下用被蓋出汗即愈心驚悸及頭疼薄荷酒下咳嗽
----------------------	----------------------	----------------------	----------------------	-----------------	--	--	--	---	---	----------------------	----------------------	----------------------	----------------------	----------------------	----------------------



脈不勻紫蘇氣嗽烏梅薑錢勻經棗子薑補益血海	右剉散生薑木瓜入鹽煎服陰證傷寒生薑附子血	川芎 當歸 <small>去尾</small> 川白芷 <small>各一兩</small>	香附子 <small>炒去毛</small> 茴香 <small>炒</small> 粉草 人參 茯苓 <small>去皮</small>	肉桂 <small>各一兩</small> 陳皮 白薑 <small>各一兩</small> 蒼朮 <small>六兩</small> 桔梗 <small>炒</small>	厚朴 <small>去粗皮</small> 半夏 <small>洗</small> 楊芍藥 枳殼 <small>去穰</small> 木香	加味五積散 <small>出危氏方</small>	忌油膩等物	欽定四庫全書 普濟方	右為末每服半錢加至一錢煎生薑湯下空心食前	藥 <small>半兩</small> 芫花 <small>醋炒</small> 巴豆 <small>一錢</small> 硃砂 <small>少許</small> 櫻皮灰 紅花	水蛭 鯉魚灰 木香 青皮 皂角 <small>大者</small> 芍 <small>各半兩</small>	烏金子 肉桂 蒲黃 當歸 蜜蟲 血餘灰	烏金散 <small>出宣明論</small> 治婦人諸疾寒熱頭痛一切等疾	浸酒下產前產後常服不生諸疾甚有神効	桑白皮湯下血風攻疰渾身瘙癢頭面麻痺炒黑豆
----------------------	----------------------	--	---	---	---	---------------------------	-------	---------------	----------------------	---	--	---------------------	---------------------------------------	-------------------	----------------------



蘇鹽產後生薑醋炒陳艾胃冷不納食陳皮縮砂赤	白帶陳米冷氣疾木香菜莢心燥背筋急頭暈腰脚	瘦生乾地黃當歸痺虛蘇葉粉草月中被驚或因淨	觸心頭結塊五隔五噎茴香棗子口苦舌乾吞酸噫	氣此為胃冷生薑鹽腰痛桃仁木瓜杜仲川續斷身	痛秦苳諸虛脾胃不和羸瘦冷氣蘇鹽冷瀉炒過生	薑烏梅肉豆蔻陳米	萬病紫苑丸 <small>出拔 萃方</small> 療臍腹久患痲癬如碗大及諸黃每	欽定四庫全書	普濟方	地氣起時上氣衝心遶臍絞痛一地蟲咬十種水病	十種蟲病反胃吐食嘔逆惡心飲食不消天行時病	婦人多年月露不通或腹如懷孕多血天陰即發又	治十二種風頑痺不知年歲晝夜不安夢與鬼交頭	白多屑或哭或笑如鬼魅所著腹中生瘡腹痛服之	皆効	紫苑 <small>去苗 土</small> 吳茱萸 <small>湯浸七 次焙乾</small> 葛蒲 柴胡 <small>去鬚</small> 厚朴 <small>薑製</small>	一 桔梗 <small>去蘆</small> 茯苓 <small>去皮</small> 皂角 <small>去皮子 等炙</small> 桂枝 乾薑 <small>炮</small> 黃
----------------------	----------------------	----------------------	----------------------	----------------------	----------------------	----------	---	--------	-----	----------------------	----------------------	----------------------	----------------------	----------------------	----	--	---



連 <small>去鬚</small> 八分蜀椒 <small>去目閉口者</small> 巴豆 <small>去膜出</small> 人參 <small>去蘆</small>	兩 <small>炮去皮半</small> 川烏 <small>兩加二錢</small> 羌活 <small>獨活</small> 防風 <small>各加</small>	右為細末入勻巴豆煉蜜丸如梧子大每服三丸漸	加至五七丸生薑湯送下食後臨卧服初有孕者不	宜服具引于後痔漏腸風用酒下赤白痢訶子湯下	濃血痢米飲湯下墮傷血悶四肢不收酒下蛔蟲咬	心檳榔湯下氣噎憂噎荷葉湯下打撲傷損酒下中	毒篋灰甘草湯下一切風升麻湯下寸白蟲檳榔湯	欽定四庫全書 普濟方	下霍亂乾薑湯下咳嗽杏仁湯下腰腎痛豆淋湯下	陰毒傷寒溫酒下吐逆生薑湯下食飲氣塊麵湯下	時氣井花水下脾風陳皮湯下頭痛水下心痛溫酒	下大小便不通燈心湯下因物所傷以本物湯下吐水	黎蘆湯下氣病用乾薑湯下小兒天風吊搐防風湯	下防己亦可小兒疳利葱白湯下小兒乳食傷白湯	下月信不通煎紅花酒下婦人腹痛川芎湯下懷孕	半年後胎漏艾湯下有子氣衝心酒下產暈痛溫酒
--	--	----------------------	----------------------	----------------------	----------------------	----------------------	----------------------	---------------	----------------------	----------------------	----------------------	-----------------------	----------------------	----------------------	----------------------	----------------------



下血氣痛當歸酒下產後心腹脹滿豆淋湯下難產
益智湯下產後血痢當歸湯下赤白帶下酒煎艾湯
下解內外傷寒粥飲下室女血氣不通酒下子死菜
子湯下又治小兒驚癇大人顛狂一切風及無孕婦
人身上頑麻壯如蟲行四肢俱腫呻吟等疾

沈香煎丸

丁香一兩 南木香半兩 訶子肉 肉豆蔻 陳皮 甘

草 人參去蘆 胡椒 青皮 生薑屑各半兩 白豆蔻

欽定四庫全書

普濟方

縮砂仁 檳榔 乾薑 官桂各五錢 沈香二錢半

麝香二兩 白朮四錢

右為細末煉蜜為丸如棗子大每服一丸細嚼生薑
湯下溫紅酒亦可空心食前日進三服

內灸散出和劑方治婦人胎前產後一切血疾血崩虛憊腹

脇病痛氣逆嘔吐冷血冷氣凝積塊硬刺痛泄下青

白五色腹中虛鳴氣滿堅脹瀝血腰疼口吐清水頻

產血衰顏色青黃勞傷劣弱月經不調下血墮胎血



迷血暈血癢時發疼痛頭目眩暈惡血上心悶絕昏
迷惡露不乾體虛多汗手足遂冷並宜服之

茴香揀淨炒 藿香 丁香皮 熟乾地黄洗焙 肉桂去粗

皮各一兩半 山藥 當歸去蘆洗 白朮 白芷各八兩 藁本

去蘆 乾薑炮 川芎 黃耆去苗各一兩 木香一兩 陳皮去白四兩

白芍藥十兩 甘草炙赤八兩

右為細末每服三錢水一盞生薑錢五片艾一團同煎至七分空心食前熱服溫酒調下亦得如產後下

欽定四庫全書 普濟方

血度多加蒲黃煎服惡露不快加當歸紅花煎服水

瀉加肉豆寇末煎服嘔吐加藿香生薑煎服上熱下

冷加荆芥煎但是腹中虛冷血氣不和並宜服產後

每日一服則百病不生丈夫虛冷氣刺心腹疼痛尤

宜服之

龍鬚湯 治胎前產後身疼保室論云身疼者肌體不

實而受風邪客於經絡邪氣與正氣相搏交擊於骨

之間故身疾而不動用龍鬚湯主之若妊娠而患身



體疼者必因勞役過多致使然也不爾經絡受風寒
愈痛丸防風湯主之產者必因勞後身疼而不能動
轉者良由產後百節開張血脈流走氣弱則骨肉之
間血多凝滯是故百節經脈緊急腰背不能轉側手
足不能動搖身熱若納炭頭如釘錠醫者不識妄為
傷寒發汗變生他證宜服

牛膝

洗去蘆酒浸一宿
急用酒蒸熟為度

當歸

酒浸
去蘆

白朮

防風

去蘆

獨活

去蘆

甘草

各二兩半

黃耆

一兩
蜜炙

欽定四庫全書

普濟方

右咬咀每服半兩井水五盞生薑十片薤白一握同
煎至三盞去滓不拘時服

交感地黃煎丸

出三因方

治婦人產前產後眼見黑花或即

發狂如見鬼狀胞衣不下失音不語心腹脹滿水穀

不化口乾煩渴寒熱往來口内生瘡咽中腫痛心忪

悸夜不得眠產後中風角弓反張面赤牙關緊急崩

中下血如豚肝狀臍腹痛血少結為癥瘕恍惚昏

迷四肢腫滿產前胎不安產後血刺痛並皆治之



<p>生地黄 <small>淨洗研以布製汁留滓以生薑汁炒地黃</small></p>	<p>生薑 <small>淨洗爛研以布製取自然汁留滓各二斤</small> 延胡索 <small>拌糯米炒赤去皮</small> 當歸</p>	<p><small>去苗</small> 琥珀 <small>別研各一兩</small> 蒲黃 <small>炒香四兩</small></p>	<p>右為末蜜丸彈子大當歸湯化下一丸食前服</p>	<p>勝金丹 <small>一名勝金丹出大全良方</small> 治婦人久虛無子產前產後一切</p>	<p>病患兼療男子下虛無力此藥能安胎催生妊娠臨</p>	<p>月服五七丸產時減痛婦人無孕子宮冷如服二十</p>	<p>丸可望孕育又治積年血風脚手麻痺半身不遂赤</p>	<p>欽定四庫全書 普濟方</p>	<p>白帶血如山崩及治產後腹中結痛吐逆心痛子死</p>	<p>腹中遶臍痛氣滿煩悶失蓋汗不出月水不通四肢</p>	<p>浮腫無力血勞虛勞小便不禁中風不語口噤產後</p>	<p>痢疾消渴眼前見鬼迷暈敗血上衝寒熱頭痛面色</p>	<p>痿黃淋瀝諸疾血下無度血痢不止飲食無味產後</p>	<p>傷寒虛煩勞悶產後血癖產後羸瘦凡婦人諸虛不</p>	<p>足心腹疼痛一切諸疾不論年深日久並皆治之</p>	<p>一方名不換金丹</p>
--	---	---	---------------------------	--	-----------------------------	-----------------------------	-----------------------------	-----------------------	-----------------------------	-----------------------------	-----------------------------	-----------------------------	-----------------------------	-----------------------------	----------------------------	----------------



前腹內痛并安胎紫草煎湯下 胎前嘔逆吐食糲	九常服溫酒吞下胎前渾身并手脚痛炒薑酒下胎	右為細末米糊丸如梧桐子大每服十五丸至二十	甘草 <small>兩 各半</small>	當歸 延胡索 人參 熟地黄 <small>洗</small> 牡丹皮	木香 <small>錢五</small> 三稜 莪朮 白朮 <small>兩 各一</small> 枳殼 <small>炒</small> 白茯苓	白朮煎 治胎前產後血氣諸疾	沈香	欽定四庫全書 普濟方	京師於能家傳一方有沈香無沒藥一方有附子無	祖傳渠家凡婦懷身便服此藥神妙常服尤好係在	初產了並用熱醋湯下空心食前此方係王承宣息	右等分為末煉蜜丸如彈子大每服一九溫酒化下	減半 甘草	延胡索 白朮 <small>米泔浸一宿各一兩</small> 沒藥 甘草 <small>炙 江西安撫司沒藥</small>	當歸 白茯苓 人參 白薇 白芷 桂心	白芍藥 藁本 石脂 <small>赤白皆可</small> 川芎 <small>不見</small> 牡丹皮
----------------------	----------------------	----------------------	------------------------	------------------------------------	---	---------------	----	------------	----------------------	----------------------	----------------------	----------------------	-------	---	--------------------	--



米飲下	胎前飲食不得渾身倦怠豆淋酒下	胎
前渾身發熱甘草湯下	胎前咳嗽煨薑鹽湯下	
胎前頭痛煨葱茶下	胎前產後瀉紫蘇薑酒下	
催生胎衣不下嚼葱白三寸煖酒下	產後赤白痢	
乾薑甘草湯下	產後下血不止燒紗帽灰一錢調	
酒下	無燒漆亦可	產後渾身虛腫陳皮去白焙
乾浸酒下	頭疼薄荷茶下	常服飯飲下
赤白	帶下燒櫬欄灰三錢調酒下	久年血氣陳塊築心
欽定四庫全書	普濟方	
痛溫酒下	炒薑酒下及良薑浸酒下	皆可婦人室
女經脈不通煎紅花蘇木酒下	經脈不調或前或	
後或多或少煎當歸酒下	大便小便秘結燈心湯	
下	乳汁不通苦蘘煮猪蹄羹下	產後腰痛煎芍
藥酒下		
保生丸	養胎益氣安和子臟治妊娠將理失宜或因	
勞役胎動不安腰腹痛重肥阻漏胎惡露時下臟挾		
疾久不成胎或受妊不能固養痿燥不長過年不產		



欽定四庫全書

普濟方

日月雖滿轉動無力或致損墮及臨節適乖宜驚動
太早產時未至惡露先下胎胞枯燥致令產難或橫
或逆痛極悶亂連日不產子死腹中手足冰冷口唇
青黑吐出冷沫新產惡血上衝暈悶不省喘促汗出
及瘀血未盡臍腹疔痛寒熱往來或因產勞損虛羸
未復面黃體瘦心忪盜汗飲食不進漸成蓐勞入月
常服壯氣養胎正順產理潤胎易產產後常服滋養
血氣和調陰陽密腠裏實腑臟治風虛除痼冷一名

千金丸

大麻仁去皮一兩半 貝母 黃芩 大豆黃卷 糯米

一作黍米 甘草微炒赤細研 乾薑炮 肉桂去粗皮 石斛去根 石膏

細研各一兩 當歸去蘆炒半兩 秦椒微炒汗出一兩

右為細末煉蜜和丸如彈子大每服並用溫酒或棗
湯化下嚼亦得空心食前服一方用蒲黃一兩

半夏丸 治女人腹中十二疾一曰經水不時二曰經
來如清水三曰經水不通四曰不周時五曰生不乳



六曰絕無子七曰陰陽減少八曰腹苦疼如刺九曰	
陰中寒十曰子門相引痛十一曰經來凍如葵汁狀	
十二曰腰急痛凡此十二病得之時因與夫卧起月	
經不去或卧濕冷地及以冷水洗浴當時取快而後	
生百病或瘡癩未瘥便合陰陽及起早作勞衣單席	
薄寒從下生	
半夏	赤石脂
<small>各一兩</small>	<small>六銖</small>
蜀椒	乾薑
吳茱萸	
當歸	桂心
丹參	白欬
防風	<small>各一兩</small>
薤蘆	<small>半兩</small>
欽定四庫全書	
普濟方	
右為末蜜和丸如梧桐子大每日空心酒服三十九	
不知稍加以知為度	
龍骨散 治腹下十二病絕產一曰白帶二曰赤帶三	
曰經水不利四曰陰胎五曰子臟堅六曰臟癖七曰	
陰陽患痛八曰內強九曰腹痛十曰臟閉十一曰五	
臟酸痛十二曰夢與鬼交宜服之	
龍骨	黃蘗
<small>三兩</small>	<small>兩</small>
半夏	竈中黃土
桂心	乾薑
石韋	滑石
<small>各二兩</small>	<small>各一兩</small>
烏賊骨	代赭
<small>各一兩</small>	<small>各四兩</small>
白殭	



蠶
五枚

右治下篩酒服方寸匕日三白多者加烏賊骨殭蠶
各二兩赤多者加代赭五兩小腹冷加黃蘗二兩子
臟堅加乾薑桂心各二兩以上各隨病增之服藥三
月有子即住藥太過多生兩子當審方取好藥寡婦
童女不可妄服

皺血丸 治婦人血海虛冷百病變生氣血不調時發
寒熱或下血過多或久閉不通崩中不止帶下赤白

欽定四庫全書

普濟方

癥瘕癖塊攻刺疼痛小腹緊滿脇肋脹痛腰重脚弱
面黃體虛飲食減少漸成勞狀及經脈不調胎氣多
損產前產後一切病患無不治療

菊花去梗 茴香 香附炒酒浸一宿 乾地黄 當歸 肉

桂皮去粗 牛膝 延胡索炒 芍藥 蒲黃 蓬朮各三兩

右為末用烏豆一升醋煮候乾焙為末再入醋二碗
煮至一碗留為糊丸如梧桐子大每服三十九溫酒



聚功丸 <small>楊氏家藏方</small> 温經止痛破塊散寒調血氣進飲食	子白粟米經事不行加生地黃	桃仁腰痛加杜仲寒加桂熱加荆芥月水不止加韭	右為散除感冒寒熱每服頭痛加川芎半夏腹痛加	乾薑 <small>錢</small> 乾葛 荆芥 肉桂 <small>各三錢</small> 桂枝 <small>三錢</small>	蒼朮 陳皮 赤芍藥 川芎 白芷 甘草 <small>各二</small>	治婦人諸疾	三服食前下	欽定四庫全書 普濟方	右為末每服三錢水一盞煎至六分去滓温服日二	人參 <small>三錢</small> 白朮 <small>七錢</small> 薄荷 <small>兩半</small> 生地黃 茯苓 <small>去皮</small> 甘草 <small>各半</small>	悸發渴飲食減少不為肌膚	人參白朮散 <small>出宣明論</small> 治徧身燥濕相搏玄府緻密煩心忪	補衝任温煖血海及胞傷損宿瘀乾血	忌鴨肉羊血此藥煖子宮能令有子又治皴血損調	或醋湯下血氣攻刺炒薑酒下癥瘕疼痛當歸湯下
---	--------------	----------------------	----------------------	--	--------------------------------------	-------	-------	---------------	----------------------	--	-------------	--	-----------------	----------------------	----------------------



附子 <small>六錢煮</small> 當歸 <small>洗</small> 人參 <small>去蘆</small> 赤芍藥 半夏 <small>洗</small>	木香 青橘皮 白朮 蓬莪茂 <small>炮</small> 厚朴 <small>薑汁製炒</small>	已上一十 乾漆 <small>三分炒令</small> 烟出為度	右件為細末生薑汁煮麵糊丸如梧桐子大每服三十丸橘皮湯或米飲送下不拘時候	烏金散 治女人諸疾寒熱頭疼一切等疾	烏金子 肉桂 蒲黃 當歸 蜚蟲 血餘灰	水蛭 鯉魚灰 木香 青皮 皂角 <small>大者炙各半兩</small>	欽定四庫全書 普濟方	膩物 右為末每服半錢加至十分煎生薑湯空心服忌油	白薇散 <small>出危氏方</small> 隨證酌量用湯引	白薇 <small>去土</small> 川芎 熟地黄 <small>酒炒</small> 桂心 牡丹皮 <small>去骨</small> 甘草	當歸 <small>炙</small> 澤蘭葉 蒼朮 <small>切焙</small> 芍藥 <small>各等分</small>	右為末每服三錢氣刺心脇痛艾醋澤蘭湯頭痛心	燥米泔米飲氣虛土芎湯頭痛荆芥湯胎前潮熱氣	急心悶生地黄燈心產後腹膨吐逆藿香胡椒胎氣
--	---	----------------------------------	------------------------------------	-------------------	---------------------	---------------------------------------	------------	-------------------------	---------------------------------	---	--	----------------------	----------------------	----------------------



不安陳艾下血不止糯米地榆陳艾產後血刺脇痛	艾醋湯小腹痛地黃薑汁好酒產後腰腿疼痛背膊	痛木瓜白膠香沒藥好酒月經不勻百草霜溫酒若	過多藕節酒煎又用陳艾阿膠月水不通杜牛膝野	苧根蘇木紅花酒下赤白帶心燥腰痛沒藥白帶黃	著切和鹽炒酒浸吃十服胎衣不下順流水酸車草	產後血氣當歸鹽炒好酒產後勞嗽糯米桑白皮熱	嗽生地黃芭蕉水產前產後潮熱桃柳枝臨產小腹	欽定四庫全書	普濟方	緊痛桑白皮葛根立便催生產前產後臟腑結枳殼	下血地榆心神亂銀器大小便秘麻仁蘇子佳血風	脚膝腫痛寒熱生薑黃水柳根血崩竹青藕節霜梅	吐熱紅山梔子竹青藕節奶癰蔓荊子酒煎調服之	十柔丸	出百一 選方	治補婦人血氣	熟乾地黃	四兩	當歸	茯苓	酒浸無以	鹿茸代之	桂	紫苑	補骨脂	鹿角膠	炒	栝子仁	熟艾	別研酒	浸熬膏	白茯苓	苓	各二兩
----------------------	----------------------	----------------------	----------------------	----------------------	----------------------	----------------------	----------------------	--------	-----	----------------------	----------------------	----------------------	----------------------	-----	-----------	--------	------	----	----	----	------	------	---	----	-----	-----	---	-----	----	-----	-----	-----	---	-----



右為細末艾膏為丸如梧桐子大每服七八十九温
酒或米飲送下

琥珀丸 出和濟方 治婦人或老或少產前產後及百病療三

十六種血冷七疝八瘕心腹刺痛卒中癱瘓半身不

遂八風十二痺等手足痠乳中毒結瘀血懷胎驚動

傷犯不安死胎不出并衣不下並宜服之

琥珀 研 辰砂 研別 沈香 阿膠 炒碎 肉桂 去粗皮 石斛 去根

附子 炮去臍皮 五味子 揀淨 川芎 各半兩 牛膝 去苗酒浸一宿 當歸

欽定四庫全書

普濟方

去苗炒 肉蓯蓉 切酒浸一宿焙 人參 續斷 沒藥 研各三分熟

乾地黄 木香 各一兩

右為細末煉蜜為丸如彈子大每服一錢空心煖酒

調下午時食前再服能生精血去惡血若人腹脇疼

痛繞臍如刀刺及嘔逆上氣築心痰毒不思飲食用

薑汁少許和酒服諸痢及赤白帶下血冷崩中下血

漏胎下血用生薑與艾剉炒令赤色入酒同煎數沸

去滓調服洩瀉不止陳米飲服澁尿諸淋煎通草燈



心湯服血暈不知人煎當歸酒調服上焦下冷濃煎	人參湯服徧身虛腫水氣煎赤小豆湯服產內二毒	物傷寒及中風角弓反張身如板硬煎麻黃湯服使	被蓋出汗月經不通或間雜五色頻併而下斷續不	止飲食無味肌膚瘦劣面赤唇焦乍寒乍熱四肢煩	疼五心燥熱黑黥遍身白班赤腫走疰及血風勞傷	無力用童子小便入薑汁少許調服常服以小便為	妙若恐惡心和以半酒如懷胎人於難月一日一服	欽定四庫全書	普濟方	至產下不覺疼痛或病人服至五服十服日倍飲食	是藥功成矣其功不能俱載略述急用湯使于前	交加散 治營衛不和月經湛濁大能滋養血絡逐散	惡血臍腹撮痛腰腿重墜血經諸疾並皆治之	生薑 十二兩 研取自然汁	生地黃 一斤 研取自然汁	延胡索 醋紙裹煨令熟	用布揉	白芍藥 當歸 桂心 各一兩	紅花 炒無惡	沒藥 別研各半兩	蒲黃 一兩 隔紙炒	右先將地黃汁炒生薑生薑汁炒地黃各稍乾焙
----------------------	----------------------	----------------------	----------------------	----------------------	----------------------	----------------------	----------------------	--------	-----	----------------------	---------------------	-----------------------	--------------------	--------------	--------------	------------	-----	---------------	--------	----------	-----------	---------------------



為細末入諸藥同研令勻每服三錢溫酒調下如月經不依常蘇木煎酒調下若腰疼用糖毬子煎酒調下無時候	
烏啄丸 治腸覃病因寒氣客於腸外與胃氣相搏正氣不榮繫痂內著惡氣乃起其生也殆如雞卵久久乃成狀如懷胎按之堅推即月事時下故曰腸覃亦治乳餘疾大小便不利并食有伏蟲臏脹癰疽毒腫久寒邪氣	
欽定四庫全書	普濟方
烏啄 炮去皮 半夏 湯洗七次 石膏 煨 藜蘆 炒 牡蒙	乾薑 炮 桂心 各二錢 巴豆 六七个 研膏
右為末蜜丸如菉豆大每服三五丸食後酒飲任下亦治男子疝痛	卷栢丸 治婦人衝任本虛血海不足不能流通經絡月水不調赤白帶下三十六疾並皆治之常服和經絡煖六臟潤肌膚長髮去黥除風令人有子
卷栢 去根 當歸 洗焙乾 各二兩 川芎 熟乾地黃 洗炒 栢子仁	



右為末入巴豆末和勻煉蜜丸如梧桐子大每服三	川烏 <small>炮去皮臍</small> 各二兩半	汗炒出 巴豆 <small>去皮心末去</small> 油炒細研 皂莢 <small>去皮子</small> 各半兩 厚朴 <small>去粗皮</small> 薑汁炒	葉 黃連 <small>去鬚</small> 肉桂 <small>去粗皮</small> 茯苓 人參 <small>去蘆</small> 蜀椒 <small>去目及閉口者</small>	吳茱萸 <small>湯洗七次</small> 焙炒半兩 桔梗 柴胡 菖蒲 紫苑 <small>去苗</small>	如鬼所使但服此藥無不愈者	疾病有似懷孕連年累月羸瘦困弊或歌或哭者凡	憂愁思慮意不樂飲食無味月水不調及腹中一切	欽定四庫全書 普濟方	溫白丸 治婦人諸疾繼續而生帶下淋瀝五邪失心	右為細末每服二錢用棗子湯調下	茯苓 白芍藥 甘草 <small>各一兩</small>	青皮 三稜 琥珀 麥蘖 當歸 神麴 赤	治血氣不和滋養血氣	任下空心食前服一方有川椒	右為細末煉蜜丸如桐子大每服五十九丸溫酒米飲	微炒 香栢子 肉蓯蓉 牡丹皮 <small>各一兩</small> 艾葉 <small>炒二兩</small>
----------------------	--------------------------------	--	--	---	--------------	----------------------	----------------------	---------------	-----------------------	----------------	------------------------------	---------------------	-----------	--------------	-----------------------	--



丸生薑湯下食後臨卧漸加五七丸

莪朮散 隨證加味宜酌量之入藥

當歸^{去尾} 川芎 莪朮^煨 甘草 揚芍藥 熟地黄

酒蒸 洗 茴香 白芷

右為末每服二錢鹽酒調下月經不調銀器燈心安
胎黃耆生地黃補虛調氣生薑紅棗遍身虛腫當歸
酒小便不通滑石末心虛發狂硃砂研調敗血衝心
腹痛如刀刺燒秤鎚紅淬酒不退五靈脂酒血閉身

欽定四庫全書

普濟方

疼炒薑酒吐酸水丁香七粒煎湯血風上攻眼目浮
腫荊芥小腹痛木瓜渾身浮腫薑湯或葱湯胃惡藿
香頭面腫赤豆荊芥湯下血不止木香湯冷嗽桑白
皮乾柿頭痛川芎細辛血風潮熱生薑紅棗虛汗麻
根嘔吐不止陳青膏血風腰疼芸薹子搥碎女人血
結不通手發攣急不知其數齏菜一握順流水挪汁
手足痺樟柳根浸酒血海虛冷大艾腹脹不消芝麻
一合炒薑酒月水不勻當歸浸酒女人血氣成塊築



心銀子燈心血崩赤白帶真龍骨末好紅醋調之血	氣風中心狂言亂語渾身壯熱桃柳枝七寸血刺成	塊不散菴間女人癖氣隔氣炒茴香酒婦人不問虛	熱傷風血氣潮熱增寒一切百病先以三服隨証湯	引投之服以他藥調理無不應驗冷嗽猪血心燥猪	肝酒催生順流水滑石禹餘糧榆白皮坯子乳香葵	子酸連草汁煎湯或黃柞葉垂下者胎衣不下再加	莪朮地黃竹青行血菴間生地黃紅花蘇木陳艾減	欽定四庫全書	普濟方	揚芍藥加赤芍藥稍	木香散 治婦人脾氣血蠱氣蠱	木香 沈香 乳香 _研 甘草 川芎 胡椒 陳	皮 人參 晉礬 _{各半} 桂心 乾薑 _炮 礞砂 _{各一}	茴香 _{炒半} 天茄 _{五兩赤小}	右洗焙為末空心日午溫陳米湯調下二錢忌羊肉	至聖湯 治婦人血氣產前產後百疾	當歸 芍藥 乾薑 莪朮 桂心 地黃 蒲
----------------------	----------------------	----------------------	----------------------	----------------------	----------------------	----------------------	----------------------	--------	-----	----------	---------------	----------------------------------	---	-------------------------------------	----------------------	-----------------	---------------------



抽刀散 治婦人血風血氣等疾	汗出	右切以水一斗煮三四沸去滓分溫服之適衣無令	桑根白皮 <small>兩半</small> 乾薑 <small>二</small> 桂心 <small>五寸</small> 大棗 <small>二十枚</small>	桑白皮湯 療諸婦傷丈夫若頭痛欲嘔悶	方棗二箇烏梅一箇煎服	右水一大碗同煎臨熟入薑汁三大匙食後旋服一	柴胡 <small>兩二</small> 黃芩 人參 甘草 <small>錢半</small> 半夏 <small>製六錢一字</small>	欽定四庫全書 普濟方	小柴胡湯 治男女諸熱出血血熱蘊隆	一方無生薑甘草	右切水七升煮去二升半分三服不得重作慎房事	地黄湯 療女人傷於丈夫四體沈重噓吸頭痛	地黄 <small>生者八兩</small> 芍藥 <small>五兩</small> 香豉 <small>一升</small> 葱白 <small>一斤</small> 生薑 <small>四兩</small> 甘草	黃 <small>炒各半兩</small> 黑豆 <small>炒去皮一兩</small>
---------------	----	----------------------	---	-------------------	------------	----------------------	---	------------	------------------	---------	----------------------	---------------------	---	---



五靈脂 <small>炒</small>	莪茂	桂心	芸薹子 <small>炒各半兩</small>
琥珀散	治產前產後血氣不和及一切疾		
當歸 <small>微炒</small>	川芎 <small>各一兩</small>	赤芍藥 <small>二兩</small>	莪茂 <small>一兩煨</small>
右為末每服二錢空心溫酒調下如腰腹痛加陳皮			
去白半兩乾薑炮半兩為末同和停如不飲水一盞			
煎七分服			
四物湯	益營衛滋氣血治月水不調臍腹疔痛婦人		
欽定四庫全書		普濟方	
經病或前或後或多或少疼痛不一腰足腹中痛或			
崩中漏下或生產惡露過多或停留不出妊娠腹痛			
下血胎不安產後血塊不散或去血過多惡露不止			
四物湯加茱萸煎服若陽臟少使茱萸若陰臟多使			
茱萸一方加香附子諸虛不足並皆治之			
熟地黄	補血如臍痛非此不能	川芎	治風泄肝木
痛非芎不能除乃	芍藥	和血理脾如腹中虛痛非	
通肝經之藥也	此不能除乃通脾經之藥		
也			
當歸	和血如血刺痛非此不能除乃通肝經之藥也		



右為粗末水煎加減於後治婦人骨蒸加地骨皮牡
丹皮若妊娠胎動不安下血不止者加艾十葉阿膠
一斤又加葱白黃耆若血臟虛冷崩中去血過多亦
加膠艾若婦人常服春倍川芎脈弦頭痛夏倍芍藥
脈洪滄泄秋倍地黃脈沈瀆虛血冬倍當歸脈沈寒
而不食若春則防風四物湯加防風倍川芎若夏則
黃芩四物加黃芩倍芍藥若秋則門冬四物加天門
冬倍地黃若冬則桂枝四物加桂枝倍當歸若血虛

欽定四庫全書

普濟方

而腹痛微汗而惡風四物加茂桂謂之腹痛六合若
風眩暈加秦艽羌活謂之風六合若氣虛弱起則無
力□然而倒加厚朴陳皮謂之氣六合若發熱而煩
不能睡卧者加黃連梔子謂之熱六合若虛寒脈微
自汗氣難布息清便自便加乾薑附子謂之寒六合
若中濕身沈重無力身涼微汗加白朮茯苓謂之濕
六合

若產後虛勞日久而脈浮疾宜柴胡四物湯



湯	若經事欲行臍腹絞痛臨經痛者血澁也宜入四物	四物湯 兩 ^四 芍藥 兩 ^一	若氣冲經脉故月事頻併臍下多痛宜芍藥六合	四物湯 兩 ^四 玄胡 兩 ^一 苦練 碎炒 ^{各一兩}	痛者同用	若腹下虛冷腹痛及腰脊間悶痛宜玄胡六合小腹	欽定四庫全書	四物湯 兩 ^四 木香 兩 ^{各一} 檳榔	若氣血上衝心腹肋下滿悶宜治氣六合	四物湯 兩 ^四 防風 兩 ^{各一} 羌活	六合或傷損氣血乘虛而暈	若婦人筋骨肢節痛及頭痛脈眩增寒如瘧宜治風	同煎用溫酒半盞和勻煎藥服	川芎 熟地黄 當歸 芍藥 兩 ^{各一} 半加柴胡 錢 ^八	參 黃芩 甘草 半夏麴 錢 ^{各二}
---	----------------------	--	---------------------	--	------	----------------------	--------	--	------------------	--	-------------	----------------------	--------------	--	--------------------------------



欽定四庫全書	普濟方	若經水過多別無餘証宜黃芩六合	四物湯 _{四兩} 黃芩 白朮 _{各一兩}	若經水澁少宜四物湯內加葵花煎又加紅花血見愁	若婦人虛勞氣弱咳嗽喘滿宜厚朴六合	四物湯 _{四兩} 厚朴 _{一兩} 枳實 _{半兩}	已上四味治法如左一証於四物湯中各加一味用之如小腹痛四物湯四兩如玄胡苦練各加一兩	若經水暴下加黃芩一兩若腹痛者加黃連如夏不去黃芩若經水如黑豆汁者加黃芩黃連各一兩若經少而色和者四物湯外加熟乾地黃當歸各一兩若經適來適斷或有往來寒熱者先服小柴胡証表邪猶有不能効也依前論之中變証隨証用藥調治	若婦人血積者四物湯內加	廣茂 京三稜 桂 乾漆 _{各一兩}
--------	-----	----------------	--	-----------------------	------------------	---	---	--	-------------	----------------------------



若婦人傷寒汗下後飲食減少血虛者宜入四物湯	四物湯 <small>兩四</small> 黃耆 甘草 茯苓 白朮 <small>兩各一</small>
若妊娠傷寒中風表虛自汗頭痛項強身熱惡寒脈浮而弱太陽經病宜表虛六合湯	四物湯 <small>兩四</small> 桂枝 地骨皮 <small>錢各七</small>
若妊娠傷寒頭痛身熱無汗脈浮緊太陽經病宜表實六合	四物湯 <small>兩四</small> 麻黃 細辛 <small>兩各半</small>
欽定四庫全書 普濟方	
若妊娠傷寒中風濕之氣肢節煩疼脈浮而熱頭疼宜風濕六合湯太陽標病也	四物湯 <small>兩四</small> 防風 蒼朮 <small>製各七錢</small>
若妊娠傷寒下後過經不愈濕毒發斑如錦文宜升麻六合	四物湯 <small>兩四</small> 升麻 連翹 <small>錢各七</small>
若妊娠傷寒胸脇滿痛而脈弦少陽頭昏項強宜柴胡六合湯	



四物湯 <small>兩四</small> 茯苓 澤瀉 <small>錢各五</small>	若妊娠傷寒小便不利太陽本病宜茯苓六合湯	四物湯 <small>兩四</small> 石膏 知母 <small>錢各五</small>	六合湯	若妊娠傷寒身熱大渴蒸蒸而煩脈長大者宜石膏	四物湯 <small>兩四</small> 梔子 黃芩	若妊娠傷寒汗下後不得眠者梔子六合湯	四物湯 <small>兩四</small> 厚朴 枳實 <small>錢各五</small>	欽定四庫全書 普濟方	朴六合湯亦治咳嗽脹滿	若妊娠傷寒汗下腹虛痞脹滿者陽明本虛也宜厚	四物湯 <small>兩四</small> 人參 五味子 <small>錢各五</small>	若妊娠傷寒汗下後咳嗽不止者宜人參六合湯	四物湯 <small>兩四</small> 大黃 桃仁 <small>錢五 十箇去皮熬炒</small>	陽本病也急下之宜大黃六合湯	若妊娠傷寒大便硬小便赤氣滿而脈沉數陽明太	四物湯 <small>兩四</small> 柴胡 黃芩 <small>錢各七</small>
--	---------------------	--	-----	----------------------	--------------------------------------	-------------------	--	---------------	------------	----------------------	---	---------------------	--	---------------	----------------------	--



若妊娠傷寒太陽本病小便赤如血狀者宜琥珀六合湯	四物湯 _{兩四} 琥珀 茯苓 _{錢各五}
若妊娠傷寒汗下後血漏不止胎氣損者宜膠艾六合湯	四物湯 _{兩四} 阿膠 艾 _{各五錢一方加甘草同上}
若妊娠傷寒四肢拘急身涼微汗腹中痛脉沉遲少陰病也附子六合湯	四物湯 _{兩四} 附子 _{炮去皮臍} 桂 _{錢各五}
若赤白帶下宜香桂六合湯	四物湯 _{兩四} 桂 香附子 _{錢各五}
若妊娠傷寒蓄血証不宜隨胎藥下之宜四物大黃湯下	四物湯 _{兩四} 生地黃 大黃 _{酒浸各五錢}
若虛熱病四物與參蘇飲相合名補心湯主之若四肢腫痛不能舉動蒼朮合半夏湯主之若治燥結四	



若虛寒似傷寒者加	人參	柴胡	防風
若頭昏項强者加	柴胡	黃芩	
若水停心下微吐逆者加	猪苓	茯苓	防風
若大渴者加	知母	石膏	
若發寒熱者加	乾生薑	牡丹皮	芍藥
	柴胡		<small>一方無芍藥</small>
若滑瀉者加	官桂	附子	
若嘔者加	白朮	人參	生薑
			<small>一方無生薑</small>
若因熱生風者加	川芎	柴胡	防風
			<small>一方無防風</small>
若臟秘澀者加	大黃	桃仁	
若血崩者加	生地黄	蒲黃	黃芩
		<small>熟用</small>	<small>一方無黃芩</small>
若腹中刺痛惡物不止加	當歸	芍藥	
若熱與血相搏口舌乾渴飲水加	括蕒	麥門冬	
君子湯各半名八珍湯			
湯理中合半湯若保胎氣令人有子四物與硝砂四			
物與調承氣湯合半為玉燭散若流濕潤燥宜四物			

欽定四庫全書

普濟方



若產婦諸證各隨六經以四物與仲景藥各半服之甚効

若婦人或因傷酒或因產亡血或虛勞五心煩熱者

宜四物二連湯

四物湯

內用生地黃

黃連

胡黃連

真者

用溫飲

四物與桂枝麻黃白虎柴胡理中四逆茱萸承氣涼

膈等皆可作各半湯易老用藥大略也

若虛煩不得睡者加 竹葉 人參

欽定四庫全書

普濟方

若婦人血氣虛心腹疴痛不可忍者去地黃加乾薑名

四神湯

若諸痛有濕者四物與白朮相半加

天麻 茯苓 川山甲 用酒煎

若目赤暴發作雲翳疼痛不忍宜四物龍膽湯

四物湯

各四兩

羌活

防風

草龍膽

防己

各三錢

用水煎

一方等分為粗末每服四錢水一盞半煎至八分去



滓取六分清者帶熱服食前若平常血氣不調及常服只用本方日二三服治經血凝滯腹內血氣作疼加莢朮官桂等分用之王石膏云熟地黄滯血安能止痛不若用五味子代之如因產後欲推陳致新補血海治諸疾加生薑煎若胎動不安下血每服加艾葉五七片更加葱白阿膠未減四味之半當歸用小半如疾勢甚者以四味各半兩細剉以水四盞熟艾一塊如雞子大阿膠五七片煎至二盞半去滓分作

欽定四庫全書

普濟方

四服一日令盡一方有粉草乾薑黃耆日二三服至二臘以一七日為一臘以前產後每日可一二服亦治血痢疾不止腹痛難忍宜加阿膠艾葉煎服名六物湯如氣虛弱血海不調服一月無不効也如產後被驚氣滯種種積滯敗血一月內惡物微少敗血或病或脹或疼胸膈脹悶或發寒熱四肢疼痛加延胡索沒藥香白芷與四物等分為細末淡醋湯或童子小便酒調下如血風於產後乘虛發作或產後傷風頭



疼發熱百骨節痛加荆芥穗天麻香附子石膏藿香
一分四物料共一兩中加之每服三錢水一盞煎至
七分服如寒熱往來加炮了乾薑牡丹皮各一分若
平常些少虛眩肢體瘦倦月信不調只用生薑薄荷
如常服此是婦人常服之藥蓋謂寡而性緩効遲而
功深治老人風秘加青皮等分煎服一方治婦人腹
痛作聲經脈不快加熟地黄一倍添桂半倍煎治瘡
疾加荆芥酒煎常服一方名五神湯柴胡大能補虛

欽定四庫全書

普濟方

退熱一方以四物湯共四兩為細末煉蜜為丸如梧
桐子大空心米飲下三四十丸以療年高婦人白帶
又良驗也請詳之四物湯加甘草半兩細末煉蜜為
丸每兩八九丸酒醋共半盞煎湯同化調停下名當
歸煎去敗血生好血如人行五里再進一丸無時候
服一方剉散隨病証加減後藥煎服血氣不調加吳
茱萸一兩甘草半兩補下元加乾薑半兩甘草七分
血崩氣滯腹內刺痛炮附子一個赤石脂一兩使血



及帶下加荊芥地椒血氣滯腹內刺痛加桂產後傷
風頭痛加石膏一兩甘草半兩血風勞加荊芥柴胡
潮熱加前胡子乾葛人參黃芩虛熱口乾加門冬半
兩黃芩一兩嘔吐不止加藿香白朮半兩人參一錢
產後虛憊血熱煩悶加生地黃產後腹脹加枳殼肉
桂各三錢產後惡露腹痛不止加桃仁蘇木牛膝產
後寒熱往來加柴胡門冬各半兩經血淋漓不斷加
乾瑞連房炒入藥血滯不通加紅花桃仁各一分產

欽定四庫全書

普濟方

後悶亂加茯神遠志半兩虛而多汗加煨牡蠣麻黃
粉各半兩妊娠心腹痛加竹茹一塊如有敗血則用
當歸近上節白芍藥以赤易熟地黃以生者一方剉
散每服四錢水一盞半煎至七分去滓食前熱服或
為末服亦可若常服血氣不調平常服只用本方春
加當歸夏加芍藥秋加川芎冬加地黃各一兩半日
二三服妊娠作惡生寒面青不思飲食憔悴加陳枳
殼白朮茯苓甘草產後敗血築心地骨皮芍藥潮熱



黃芩地骨皮柴胡咳嗽桑白皮半夏生薑人參甘草
北五味子地骨皮損孕下血不止頭疼寒熱耳鳴氣
血勞傷所致黃芩荆芥生地黃生薑赤芍藥虛寒潮
熱柴胡地骨皮白朮茯苓甘草秦艽知母黃芩麥芽
貝母人參烏梅棗子心腹脹滿枳殼青皮虛汗麻黃
根產後潮熱白朮柴胡甘草牡丹皮地骨皮有熱黃
芩汗浮麥腸風下血槐角槐花枳殼荆芥黃芩大腹
皮紅內消地榆石楠皮白鷄冠花為散煎一半為末

欽定四庫全書

普濟方

空心鹽湯舊酒調下鼻衄吐紅竹青蒲黃藕節半夏
丁香呵子桂花紅棗飛羅麵白茅根蚌粉奶癰連翹
茨菰子紅內消白芷菝葜片荆芥牛膝山蜈蚣乳香沒
藥漏蘆生地黃血風兩脇築心痛或盤腸成塊大黃
華撥乳香動胎漏下不止黃耆側柏阿膠甘草續斷
平常經血淋漓不斷或多或少或赤或白非時漏下
可多服有效月水不通野苧根牛膝紅花蘇木舊酒
同煎臨產小腹緊痛紅花滑石甘草燈心葵子便閉枳



欽定四庫全書

普濟方

殼大黃荆芥黃芩青皮滑石木通瞿麥海金沙山梔
子車前子安胎及胎漏下血阿膠大艾甘草蒲黃炒
過產後腹痛血塊攻腸大艾沒藥好酒產後病眼北
細辛荆芥羌活甘草菊花木賊石決明草決明女人
赤眼頭風疾薄荷清茶赤眼生風防風黃芩產後浮
腫氣急腹大喉中水雞聲牡丹皮荆芥白朮桑白皮
赤小豆大腹皮杏仁半夏馬兜鈴生薑葱白薄荷月
水不調血崩或多少前後嘔逆心膨陳艾黃耆血弱

生風四肢痺痛行步艱難乳香人參沒藥射香甘草
五露子羌活獨活防風荆芥地龍南星白附子澤蘭
為末蜜丸木瓜鹽湯下血氣膨脹甘草木香枳殼馬
兜鈴苧蔎紫蘇藿香地黃空心服補血住崩百草霜
敗檉灰苴綿灰蒲黃炒過龍骨白薑血成塊地黃藕
節黑血片人參白朮血片人參白朮血片龍骨青黃
木瓜五色生麝香好酒鮮紅溫酒鹽湯風瘡赤腫荆
芥牛旁子何首烏甘草防風羌活鹽酒帶下肉桂蒲



欽定四庫全書

普濟方

黃百草霜甘草黑豆白朮玄胡索白薑龍骨空心鹽
酒血寒甘草烏梅柴胡桃柳枝感風勞嗽欵冬花知母
阿膠半夏麻黃甘草馬兜鈴黃芩杏仁柴胡殭蠶訶
子烏梅月經久閉肉桂甘草黃耆薑錢棗子木通紅
花大便下血四肢寒膨脹及胃腸有風槐花枳殼漏
蘆荊芥木香白雞冠花木通紅內消紫草石榴皮陳
皮黃芩青皮甘草白茅根槐角虛瀉人參川芎白芷
蒲黃炒阿膠白朮茱萸續斷乾薑黑附子肉桂黃耆

赤帶白芷甘草蜜丸鹽梅湯下白帶用龍骨酒煎產後
痢後風乳香龍骨茱萸木香肉桂蒼朮牡丹皮白微
人參甘草澤蘭大椒茴香煉蜜為丸木瓜酒下治帶
下赤白痢陳米飲心腹膨炒薑酒血氣艾醋湯渾身
勞倦為末炒薑陳青蒿鹽和調下虛證四肢黃甘草
牡丹皮澤蘭白薇蒼朮桂心茴香蜜丸鹽湯酒下嘔
逆飲食不入加白朮丁香甘草人參礞砂益智仁胡
椒經行腹痛腰痛芸薹牛膝紅花吳茱萸菴藷甘



草銀器燈心熱服虛渴人參甘葛烏梅瓜萋根受胎
小腸氣痛木香銀器胎前嗽枳殼甘草欵冬花知母馬
兜鈴半夏木通苧蔘人參苦參麥門冬脚腫大腹皮
赤小豆茯苓皮生薑皮產後不語失音可子人參砂
蜜百藥煎陰陽交合經脈行赤石脂黃耆肉桂百草
霜敗椶灰肉豆蔻當歸木香龍骨白朮茯苓地榆藕
節胎氣衝肝腰脚痺行步艱難枳殼甘草木通連翹
荆芥地黄羌活獨活山梔子燈心空心服氣築小腹

欽定四庫全書

普濟方

痛玄胡索煎服 陳氏經驗方吳與周端仁郎中頃
赴省試照矚一隣云某本醫家凡婦人百病只以四物
湯加茱萸無不効者產難及胎衣不下子死腹中入
醋同煎凡用有効謹以此為報此藥不知起於何代
或云自魏華佗佗之術精微方類單省傳稱佗鍼灸
不過數處千金方云自三代以來醫方藥論未有如
此詳備其間有漢晉名公諸方金產寶方仍朱梁節
度巡官咎膺所撰其中有四物散後修入聖惠方自



<p>後醫者易散為湯善用者若馭良馬當隨意無不得 所至皆然名醫於四物中增損品味隨意虛實寒燠 皆得其効者然亦非止婦人之疾可用而已</p>	<p>交加散 <small>出大全良方</small> 治胎前產後百病婦人營衛不通經脈</p>	<p>不調腹撮痛氣多血少結聚為瘕產後中風尤妙及</p>	<p>肌體黃瘦氣短羸怯</p>	<p>生地黄 <small>一斤研取自然汗</small> 生薑 <small>十二兩研取自然汁</small></p>	<p>右將地黄汁炒生薑滓生薑汁炒地黄滓各稍乾焙</p>	<p>欽定四庫全書 普濟方</p>	<p>為細末每服三錢溫酒調下尋常腹痛亦宜服產後 尤不可缺一方或男女血熱心煩產後傷風以荊芥 煎湯調下</p>	<p>普濟方卷三百二十七</p>
--	---	-----------------------------	-----------------	--	-----------------------------	-----------------------	---	------------------

